

Ֆինանսական հաշվետվություններ և
Անկախ ատղիտորի եզրակացություն

ՎԱՐԿԱՅԻՆ ՊՈՐՏՖԵԼԻ
ԱՐԺԵԹՂԹԱՎՈՐՄԱՆ ՀԻՄՆԱԴՐԱՄ Ի

2015թ. դեկտեմբերի 31

Բովանդակություն

	Էջ
Անկախ աուդիտորի եզրակացություն	1
Ֆինանսական վիճակի մասին հաշվետվություն	3
Համապարփակ ֆինանսական արդյունքի մասին հաշվետվություն	4
Ձուտ ակտիվներում փոփոխությունների մասին հաշվետվություն	5
Դրամական միջոցների հոսքերի մասին հաշվետվություն	6
Ֆինանսական հաշվետվություններին կից ծանոթագրություններ	7



Անկախ աուդիտորի եզրակացություն

Գրասր թորթոն ՓԲԸ
ՀՀ, ք. Երեւան 0012
Վաղարշյան 8/1

Հ. + 374 10 260 964
Ֆ. + 374 10 260 961

Grant Thornton CJSC
8/1 Vagharshyan str.
0012 Yerevan, Armenia

T + 374 10 260 964
F + 374 10 260 961

www.grantthornton.am

ՎԱՐԿԱՅԻՆ ՊՈՐՏՖԵԼԻ ԱՐԺԵԹՂԹԱՎՈՐՄԱՆ ՀԻՄՆԱԳՐԱՄ I-ի Հիմնադրին և Տնօրենների խորհրդին.

Մեր կողմից իրականացվել է ՎԱՐԿԱՅԻՆ ՊՈՐՏՖԵԼԻ ԱՐԺԵԹՂԹԱՎՈՐՄԱՆ ՀԻՄՆԱԳՐԱՄ I-ի («Հիմնադրամ») կից ֆինանսական հաշվետվությունների աուդիտ, ընդ որում այդ հաշվետվությունները ներառում են 2015թ. դեկտեմբերի 31-ի դրությամբ ֆինանսական վիճակի մասին հաշվետվությունը, 2015թ. սեպտեմբերի 16-ից մինչև 2015թ. դեկտեմբերի 31-ին ավարտված ժամանակաշրջանի համար համապարփակ ֆինանսական արդյունքի, գուտ ակտիվներում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից հաշվապահական հաշվառման քաղաքականությունը և այլ ծանոթագրություններ:

Ղեկավարության պատասխանատվությունը ֆինանսական հաշվետվությունների համար

Հիմնադրամի ղեկավարությունը պատասխանատու է Ֆինանսական հաշվետվությունների միջազգային ստանդարտներին համապատասխան ֆինանսական հաշվետվությունների կազմման և ճշմարիտ ներկայացման համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել ֆինանսական հաշվետվություններ, որոնք ազատ են խարդախության կամ սխալի արդյունքում էական խեղաթյուրումից:

Աուդիտորի պատասխանատվություն

Մենք պատասխանատու ենք աուդիտի միջազգային ստանդարտներին համապատասխան մեր կողմից իրականացված աուդիտի հիման վրա նշված ֆինանսական հաշվետվությունների վերաբերյալ մեր արտահայտած կարծիքի համար: Այդ ստանդարտներով պահանջվում է աուդիտը պլանավորել և անցկացնել՝ ֆինանսական հաշվետվությունների էական խեղաթյուրումներից զերծ լինելու վերաբերյալ ողջամիտ երաշխիքներ ձեռք բերելու նպատակով:

Առողիտորական աշխատանքները ներառում են ֆինանսական հաշվետվություններում ու համապատասխան ծանոթագրություններում արտացոլված տվյալները հիմնավորող փաստերի ձեռքբերման նպատակով մշակված ընթացակարգեր, որոնց ընտրությունը կախված է խարդախությունների և սխալների հետևանքով ֆինանսական հաշվետվություններում էական խեղաթյուրումների ռիսկերի առկայության վերաբերյալ առողիտորական գնահատումներից: Ռիսկերի գնահատումները կատարելիս առողիտորը մշակում է համապատասխան ընթացակարգեր ֆինանսական հաշվետվությունների կազմման և ճշմարիտ ներկայացման համար կիրառվող ներքին վերահսկողության գնահատման, այլ ոչ թե ընկերության ողջ ներքին վերահսկողության արդյունավետության վերաբերյալ կարծիք կազմելու համար: Առողիտորական աշխատանքները ներառում են նաև կիրառված հաշվապահական հաշվառման սկզբունքների և ղեկավարության կողմից կատարված գնահատումների, ինչպես նաև ֆինանսական հաշվետվությունների ընդհանուր ներկայացման գնահատումը:

Մենք համոզված ենք, որ ձեռք ենք բերել բավականաչափ ու համապատասխան առողիտորական ապացույցներ՝ մեր կարծիքն արտահայտելու համար:

Կարծիք

Մեր կարծիքով ֆինանսական հաշվետվությունները տալիս են ՎԱՐԿԱՅԻՆ ՊՈՐՏՅԵԼԻ ԱՐԺԵԹ-ՂԹԱՎՈՐՄԱՆ ՀԻՄՆԱԴՐԱՄ I-ի՝ 2015թ. դեկտեմբերի 31-ի դրությամբ ֆինանսական վիճակի և 2015թ. սեպտեմբերի 16-ից մինչև 2015թ. դեկտեմբերի 31-ին ավարտված ժամանակաշրջանի համար ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն Ֆինանսական հաշվետվությունների միջազգային ստանդարտների:

29 ապրիլի, 2016թ.
ք. Երևան

Գագիկ Գյուլբուդադյան

Մարինե Մուշեղյան

Բաժնետեր/Տնօրեն

Առաջադրանքի ղեկավար



Ֆինանսական վիճակի մասին հաշվետվություն

Հազար դրամ	Ծանոթ.	2015թ. դեկտեմբերի 31-ի դրությամբ
Ակտիվներ		
<i>Ոչ ընթացիկ ակտիվներ</i>		
Վարկեր	6	542,290
Հետաձգված հարկային ակտիվներ	5	5,162
		<u>547,452</u>
<i>Ընթացիկ ակտիվներ</i>		
Վարկեր	6	509,733
Դեբիտորական պարտքեր ֆինանսական կազմակերպություններից	7	31,363
Մնացորդներ բանկերում		140,230
		<u>681,326</u>
Ընդամենը ակտիվներ		<u><u>1,228,778</u></u>
Պարտավորություններ		
<i>Ոչ ընթացիկ պարտավորություններ</i>		
Թողարկված պարտքային արժեթղթեր	9	426,066
		<u>426,066</u>
<i>Ընթացիկ պարտավորություններ</i>		
Թողարկված պարտքային արժեթղթեր	9	573,785
Այլ ընթացիկ պարտավորություններ	10	126,564
		<u>700,349</u>
Զուտ ակտիվներ		
Կուտակված արդյունք	8	102,363
		<u>102,363</u>
Ընդամենը պարտավորություններ և զուտ ակտիվներ		<u><u>1,228,778</u></u>

Ֆինանսական հաշվետվությունները հաստատվել են 2016թ. ապրիլի 29-ին:

Տիգրան Կարապետյան

Հիմնադրամի կառավարիչ՝ «Կապիտալ
Ինվեսթմենթս» ՓԲԸ գլխավոր տնօրեն

[Handwritten signature]



Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների
բաղկացուցիչ մասը կազմող 7-ից մինչև 28-րդ էջերում ներկայացված կից ծանոթագրությունների հետ մեկտեղ:

Համապարփակ ֆինանսական արդյունքի մասին հաշվետվություն

Հազար դրամ		2015թ. սեպտեմբերի 16-ից մինչև 2015թ. դեկտեմբերի 31-ին ավարտված ժամանակաշրջան
	Ծանոթ.	
Տոկոսային և նմանատիպ եկամուտներ		7,659
Տոկոսային և նմանատիպ ծախսեր		(2,516)
Զուտ տոկոսային եկամուտներ		5,143
Կոմիսիոն և այլ վճարների տեսքով ծախսեր		(26)
Զուտ կոմիսիոն և այլ ծախսեր		(26)
		5,117
Գործառնական գործունեությունից արդյունք		5,117
Տույժերից տուգանքներից եկամուտ		174
Զուտ օգուտ փոխարժեքային տարբերություններից		66
Արժեզրկման ծախս	6	(10,582)
Վարկերի իրական արժեքի ճշտումից վնաս	6	(8,263)
Այլ ծախսեր	11	(12,262)
Արդյունք մինչև հարկերը		(25,750)
Շահութահարկի գծով փոխհատուցում	12	5,162
Տարվա արդյունք		(20,588)
Ընդամենը տարվա համապարփակ ֆինանսական արդյունք		(20,588)

Համապարփակ ֆինանսական արդյունքի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 7-ից մինչև 28-րդ էջերում ներկայացված կից ծանոթագրությունների հետ մեկտեղ:

Չուտ ակտիվներում փոփոխությունների մասին հաշվետվություն

Հազար դրամ	Կուտակված արդյունք	Ընդամենը
2015թ. սեպտեմբերի 16-ի դրությամբ	-	-
Մասնակցության վկայագրերի թողարկում	122,951	122,951
Տարվա արդյունք	(20,588)	(20,588)
Ընդամենը տարվա համապարփակ ֆինանսական արդյունք	<u>(20,588)</u>	<u>(20,588)</u>
2015թ. դեկտեմբերի 31-ի դրությամբ	<u>102,363</u>	<u>102,363</u>

Չուտ ակտիվներում փոփոխությունների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 7-ից մինչև 28-րդ էջերում ներկայացված կից ծանոթագրությունների հետ մեկտեղ:

Դրամական միջոցների հոսքերի մասին հաշվետվություն

Հազար դրամ	2015թ. սեպտեմբերի 16-ից մինչև 2015թ. դեկտեմբերի 31-ին ավարտված ժամանակաշրջան
Գործառնական գործունեությունից դրամական միջոցների հոսքեր	
Տարվա արդյունք	(20,588)
<i>ճշգրտումներ`</i>	
Վարկերի իրական արժեքի ճշտումից վնաս	8,263
Տոկոսային եկամուտ	(7,659)
Տոկոսային ծախս	2,516
Շահութահարկի գծով փոխհատուցում	(5,162)
Արժեզրկման ծախս	10,582
Փոխարժեքային տարբերությունից օգուտ	(66)
Գործառնական արդյունք նախքան շրջանառու կապիտալի փոփոխությունները	(12,114)
Ֆինանսական կազմակերպություններից դեբիտորական պարտքերի փոփոխություն	(14,722)
Վարկերի փոփոխություն	(1,100,817)
Այլ պարտավորությունների փոփոխություն	129,244
Գործառնական գործունեության համար օգտագործված զուտ դրամական միջոցներ	(998,409)
Ֆինանսավորման գործունեությունից դրամական միջոցների հոսքեր	
Մասնակցության վկայագրերի թողարկումից մուտքեր	122,951
Պարտատոմսերի թողարկումից մուտքեր	993,597
Ֆինանսավորման գործունեությունից ստացված զուտ դրամական միջոցներ	1,116,548
Բանկերում մնացորդների զուտ աճ	118,139
Արտարժույթի փոխարժեքի ազդեցությունը դրամական միջոցների վրա	22,091
Բանկերում մնացորդներ ժամանակաշրջանի սկզբում	-
Բանկերում մնացորդներ ժամանակաշրջանի վերջում	140,230

Դրամական միջոցների հոսքերի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 7-ից մինչև 28-րդ էջերում ներկայացված կից ծանոթագրությունների հետ մեկտեղ:

Ֆինանսական հաշվետվություններին կից Ծանոթագրություններ

1 Գործառնությունների բնույթը և ընդհանուր տեղեկատվություն

ՎԱՐԿԱՅԻՆ ՊՈՐՏՖԵԼԻ ԱՐԺԵԹՂԹԱՎՈՐՄԱՆ ՀԻՄՆԱԳՐԱՄ I-ը (այսուհետ՝ Հիմնադրամ) ոչ առևտրային կազմակերպություն է, որը հիմնադրվել է 2015 թվականի օգոստոսի 31-ին «Ակտիվների արժեթղթավորման և ակտիվներով ապահովված արժեթղթերի մասին» Հայաստանի Հանրապետության օրենքի համաձայն՝ բացառապես արժեթղթավորման և ակտիվներով ապահովված արժեթղթերի թողարկման գործունեություն իրականացնելու նպատակով: Հիմնադրամը 2015թ. սեպտեմբերի 16-ին գրանցվել է Հայաստանի կենտրոնական բանկում որպես արժեթղթավորման հիմնադրամ: Հիմնադրամին տրամադրվել է թիվ 1 գրանցման վկայականը: Հիմնադրամը հիմնադրվել է երեք տարի ժամկետով՝ սկսած այն ամսաթվից, երբ կավարտվի ակտիվներով ապահովված թողարկված արժեթղթերի մարումը՝ մինչև 18 ամիս երկարաձգման հնարավորությամբ:

Հիմնադրամի գրանցման հասցեն է՝ Հայաստանի Հանրապետություն, ք.Երևան 0010, Խորենացու փողոց, 15 շենք, 2-րդ հարկ, գրասենյակ 6:

Հիմնադրամի Կառավարիչն է հանդիսանում «ԿԱՊԻՏԱԼ ԻՆՎԵՍՏՄԵՆԹՍ» փակ բաժնետիրական ընկերությունը, որը հանդիսանում է նաև միակ հիմնադիրը:

2 Պատրաստման հիմքերը

2.1 Համապատասխանություն

Ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՍ) համաձայն, ինչպես հրապարակվել է Հաշվապահական հաշվառման միջազգային ստանդարտների խորհրդի (ՀՀՄՄԽ) կողմից:

Քանի որ Հիմնադրամի գործունեության առաջին տարին է, համեմատական տեղեկատվություն չի ներկայացվում, և ֆինանսական հաշվետվությունները ներառում են Հիմնադրամի ֆինանսական գործունեության արդյունքները և դրամական հոսքերը 2015թ. սեպտեմբերի 16-ից 2015թ. դեկտեմբերի 31-ն ընկած ժամանակաշրջանի համար:

Ներկայումս ՖՀՄՍ չեն պարունակում հաշվապահական հաշվառման վարման և ֆինանսական հաշվետվությունների ներկայացման վերաբերյալ հատուկ ուղեցույցներ՝ շահույթ չհետապնդող և ոչ կառավարական կազմակերպությունների համար: Եթե ՖՀՄՍ չի տալիս ուղղություն շահույթ չհետապնդող ոլորտի կազմակերպություններին հատուկ գործարքների հաշվառման վերաբերյալ, ապա հաշվապահական հաշվառման քաղաքականությունը պետք է հիմնվի ՖՀՄՍ ընդհանուր սկզբունքների վրա՝ համաձայն Հաշվապահական հաշվառման միջազգային ստանդարտների խորհրդի (ՀՀՄՄԽ) «Ֆինանսական հաշվետվությունների պատրաստման և ներկայացման հայեցակարգային հիմունքների»:

2.2 Ծանաչման հիմքեր

Ֆինանսական հաշվետվությունները պատրաստվել են սկզբնական արժեքի սկզբունքով, բացառությամբ որոշ ֆինանսական գործիքների, որոնք ներկայացված են իրական արժեքով:

2.3 Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (դրամ), որն էլ հանդիսանում է Հիմնադրամի գործառնական արժույթը, քանի որ այն լավագույնս արտացոլում է ֆինանսական հաշվետվությունների հիմքում ընկած իրադարձությունների և Հիմնադրամի գործարքների տնտեսական բովանդակությունը:

Սույն ֆինանսական հաշվետվությունները ներկայացված են հայկական դրամով (եթե այլ բան նշված չէ), քանի որ, ղեկավարության համոզմամբ, այս արժույթն առավել օգտակար է Հիմնադրամի ֆինանսական հաշվետվություններն օգտագործողների համար: Դրամով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

2.4 Գնահատումների և դատողությունների կիրառում

ՖՀՄՍ-ին համապատասխան ֆինանսական հաշվետվությունների պատրաստումը պահանջում է, որպեսզի Հիմնադրամի ղեկավարությունը կարևոր գնահատումներ և ենթադրություններ կատարի, որոնք ազդեցություն են գործում ֆինանսական հաշվետվությունների ամսաթվի դրությամբ ակտիվների և պարտավորությունների գումարների, ինչպես նաև հաշվետու ժամանակաշրջանի եկամուտների և ծախսերի գումարների վրա: Առավել մեծ դատողություն պահանջող և բարդություն ներկայացնող էական ոլորտները, կամ այն ոլորտները, որտեղ ենթադրություններն ու գնահատումներն էական են ֆինանսական հաշվետվությունների համար, բացահայտված են ֆինանսական հաշվետվություններին կից ծանոթագրություն 13-ում:

2.5 Նոր և վերանայված ստանդարտների ընդունում

Ընթացիկ ժամանակաշրջանում Հիմնադրամը ընդունել է իր գործունեության համար կիրառելի և 2015թ. հունվարի 1-ից սկսվող ժամանակաշրջանների համար ուժի մեջ մտած բոլոր նոր և վերանայված ստանդարտները և մեկնաբանությունները, որոնք հրապարակվել են Հաշվապահական հաշվառման միջազգային ստանդարտների խորհրդի (ՀՀՄՄԽ) և ՀՀՄՄԽ-ի Մեկնաբանման կոմիտեի (ՄԿ) կողմից:

Նշված փոփոխությունների բնույթը և ազդեցությունը բացահայտված են ստորև: Չնայած այս նոր ստանդարտները և փոփոխությունները առաջին անգամ կիրառելի են 2015թ. ընթացքում, դրանք էական ազդեցություն չեն ունեցել Հիմնադրամի տարեկան ֆինանսական հաշվետվությունների վրա:

Նոր և վերանայված ստանդարտներ և մեկնաբանություններ, որոնք կիրառելի են 2015թ. հունվարի 1-ից և դրանից հետո սկսվող տարեկան ժամանակաշրջանների համար

Տարեկան բարեփոխումներ՝ 2010-2012թթ.

2010-2012թթ. տարեկան բարեփոխումները մի շարք ՖՀՄՍ-ներում կատարել են որոշ աննշան փոփոխություններ: Հիմնադրամին վերաբերող փոփոխությունները ամփոփված են ստորև.

ՖՀՄՍ 13. «Իրական արժեքի չափում»

Կարճաժամկետ դեբիտորական և կրեդիտորական պարտքեր.

- փոփոխվում են Եզրակացությունների համար հիմքերը՝ պարզաբանելու համար, որ ընկերությունը պարտադրված չէ հաստատված տոկոսադրույք չունեցող կարճաժամկետ դեբիտորական և կրեդիտորական պարտքերը զեղչել հաշիվ-ապրանքագրում նշված գումարից ցածր արժեքի, եթե զեղչման ազդեցությունն էական չէ:

ՀՀՄՍ 24. «Կապակցված կողմերի բացահայտումներ»

ՀՀՄՍ 24-ում առաջարկված վերանայումը.

- փոփոխում է «կապակցված կողմի» սահմանումը, որպեսզի ներառի «կառավարչական ընկերությունները», որոնք հաշվետու ընկերությանը մատուցում են առանցքային կառավարչական անձնակազմի ծառայություններ,
- պահանջում է, որպեսզի հաշվետու ընկերությունը բացահայտի առանձին կառավարչական ընկերությանը որպես առանցքային կառավարչական անձնակազմի ծառայությունների վճար ճանաչված գումարները,
- տրամադրում է բացառության իրավունք՝ հաշվետու ընկերությանը թույլ տալով առանձնացված չբացահայտել առանցքային կառավարչական անձնակազմին վճարված փոխհատուցման բաղադրիչները, եթե փոխհատուցումը վճարվել է կառավարչական ընկերության միջոցով:

Տարեկան բարեփոխումներ՝ 2011-2013թթ.

2011-2013թթ. տարեկան բարեփոխումները մի շարք ՖՀՄՍ-ներում կատարել են որոշ աննշան փոփոխություններ: Հիմնադրամին վերաբերող փոփոխություններ չկան:

Ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք դեռևս չեն գործում և նախօրոք չեն ներդրվել Հիմնադրամի կողմից

Այս ֆինանսական հաշվետվությունների հաստատման ամսաթվի դրությամբ Հաշվապահական հաշվառման միջազգային ստանդարտների խորհրդի (ՀՀՄՍԽ) կողմից թողարկվել են որոշակի նոր ստանդարտներ, փոփոխություններ և մեկնաբանություններ գործող ստանդարտների վերաբերյալ, սակայն դեռևս չեն գործում և նախօրոք չեն ներդրվել Հիմնադրամի կողմից:

Ղեկավարությունը կանխատեսում է, որ բոլոր կիրառելի հրապարակումները կներդրվեն Հիմնադրամի հաշվապահական հաշվառման քաղաքականությունում սկսած հրապարակման ուժի մեջ մտնելու ամսաթվին հաջորդող առաջին իսկ ժամանակաշրջանից: Ստորև ներկայացված է տեղեկատվություն նոր ստանդարտների, փոփոխությունների և մեկնաբանությունների վերաբերյալ, որոնք նախատեսվում է, որ կիրառելի կլինեն Հիմնադրամի ֆինանսական հաշվետվությունների համար: Որոշ այլ նոր

ստանդարտներ և մեկնաբանություններ թողարկվել են, սակայն չի ակնկալվում, որ դրանք Հիմնադրամի ֆինանսական հաշվետվությունների վրա էական ազդեցություն կունենան:

ՀՀՄՍ 12 (Փոփոխություններ) «Շահութահարկեր»

ՀՀՄՍԽ-ը թողարկել է «Չիրացված վնասների համար հետաձգված հարկային ակտիվների ճանաչում» պարզաբանումը, որը ՀՀՄՍ 12-ում՝ «Շահութահարկեր», կատարում է որոշակի փոփոխություններ: Փոփոխությունները պարզաբանում են, թե ինչպես պետք է հաշվառել իրական արժեքով չափվող պարտքային գործիքներին վերաբերող հետաձգված հարկային ակտիվները, հատկապես այն դեպքերում, երբ շուկայական տոկոսադրույքի փոփոխությունները նվազեցնում են պարտքային գործիքի իրական արժեքը սկզբնական արժեքից ցածր մակարդակի:

Սույն փոփոխությունները պարզաբանում են հետևյալը.

- այն պարտքային գործիքների գծով չիրացված վնասները, որոնք չափվում են իրական արժեքով, իսկ հարկային առումով՝ սկզբնական արժեքով, առաջացնում են նվազեցվող ժամանակավոր տարբերություններ՝ անկախ նրանից, թե պարտքային գործիքին տիրապետողն ակնկալում է վերականգնել դրա հաշվեկշռային արժեքը՝ այն վաճառելու, թե օգտագործելու միջոցով,
- ակտիվի հաշվեկշռային արժեքը չի սահմանափակում հարկման ենթակա ապագա հավանական շահույթների գնահատումը,
- հարկման ենթակա ապագա շահույթների գնահատումները չեն ներառում նվազեցվող ժամանակավոր տարբերությունների հակադարձումից առաջացող հարկային նվազեցումները,
- ընկերությունը պետք է հաշվի առնի, արդյոք հարկային օրենսդրությունն արգելում է հարկվող շահույթների այն աղբյուրները, որոնց առումով այն կարող է նվազեցումներ կատարել նվազեցվող ժամանակավոր տարբերությունների հակադարձման մասով: Եթե հարկային օրենսդրությունում չկան այդպիսի արգելքներ, ընկերությունը գնահատում է նվազեցվող ժամանակավոր տարբերությունը բոլոր այլ նվազեցվող ժամանակավոր տարբերությունների հետ համատեղ:

Փոփոխություններն ուժի մեջ են մտնում 2017թ. հունվարի 1-ին և դրանից հետո սկսվող տարեկան ժամանակաշրջանների համար և պետք է կիրառվեն հետընթաց: Հիմնադրամի ղեկավարությունը դեռ պետք է գնահատի այս նոր ստանդարտի ազդեցությունը Հիմնադրամի ֆինանսական հաշվետվությունների վրա:

ՖՀՄՍ 9 «Ֆինանսական գործիքներ» (2014թ.)

ՀՀՄՍԽ-ը թողարկել է ՖՀՄՍ 9-ը «Ֆինանսական գործիքներ» (2014թ.)՝ ներկայացնելով իր ծրագրի ավարտը, ինչը պետք է փոխարինի ՀՀՄՍ 39-ին «Ֆինանսական գործիքներ. ճանաչումը և չափումը»: Նոր ստանդարտն ընդարձակ փոփոխություններ է ներկայացնում ՀՀՄՍ 39-ի ուղեցույցում ֆինանսական ակտիվների դասակարգման և չափման վերաբերյալ և ներկայացնում է ֆինանսական ակտիվների արժեզրկման նոր

«կանխատեսվող վարկային կորուստներ» մոդելը: ՖՀՄՍ 9-ը նաև ապահովում է նոր ուղեցույց՝ հեջի հաշվառման կիրառման վերաբերյալ:

Հիմնադրամի դեկավարությունը դեռ պետք է գնահատի այս նոր ստանդարտի ազդեցությունը Հիմնադրամի ֆինանսական հաշվետվությունների վրա: Նոր ստանդարտը պետք է կիրառվի 2018թ. հունվարի 1-ին և դրանից հետո սկսվող տարեկան ժամանակաշրջանների համար:

3 Հաշվապահական հաշվառման քաղաքականություն

3.1 Արտարժույթ

Արտարժույթով գործարքներ

Ֆինանսական հաշվետվություններ պատրաստելիս Հիմնադրամի համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական բանկի (ՀՀ ԿԲ) կողմից հրապարակված փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները վերահաշվարկվում են՝ կիրառելով հաշվետու ամսաթվի դրությամբ ՀՀ ԿԲ կողմից հրապարակված փոխարժեքը, 2015թ. դեկտեմբերի 31-ի դրությամբ 1 ԱՄՆ դոլարը կազմում էր 483.75 ՀՀ դրամ: Ոչ դրամային հոդվածները չեն վերահաշվարկվում և չափվում են պատմական արժեքով (հաշվարկվում են՝ օգտագոծելով գործարքի օրվա դրությամբ գործող փոխարժեքը):

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի արդյունքում:

3.2 Ֆինանսական գործիքներ

Ճանաչում, սկզբնական չափում և ապաճանաչում

Ֆինանսական ակտիվները և ֆինանսական պարտավորությունները ճանաչվում են, երբ Հիմնադրամը դառնում է ֆինանսական գործիքի պայմանագրային կողմ:

Ֆինանսական ակտիվներն ապաճանաչվում են, երբ լրանում են ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները, կամ այն ժամանակ, երբ ֆինանսական ակտիվները բոլոր նշանակալից ռիսկերով ու հատուցումներով փոխանցվում են երրորդ կողմին:

Ֆինանսական պարտավորությունները ապաճանաչվում են, երբ դրանք մարվում են, վճարման ենթակա չեն, չեղյալ են ճանաչվել կամ լրացել է դրանց ուժի մեջ լինելու ժամկետը:

Ֆինանսական ակտիվները և ֆինանսական պարտավորությունները սկզբնապես ճանաչվում են իրական արժեքով՝ գումարած գործարքի հետ կապված ծախսումները, բացառությամբ այն ֆինանսական ակտիվների և ֆինանսական պարտավորությունների, որոնք սկզբնապես դասակարգվում են որպես ֆինանսական ակտիվներ և ֆինանսական

պարտավորություններ՝ չափվող իրական արժեքով՝ շահույթի կամ վնասի միջոցով, որոնք սկզբնապես չափվում են իրական արժեքով:

Ֆինանսական ակտիվների դասակարգումը և հետագա չափումը

Հետագա չափումն իրականացնելու համար ֆինանսական ակտիվները, սկզբնական ճանաչման ժամանակ բաժանվում են հետևյալ կատեգորիաների.

- վարկեր և դեբիտորական պարտքեր,

Ֆինանսական ակտիվները սկզբնական ճանաչման ժամանակ վերագրվում են տարբեր կատեգորիաների՝ կախված գործիքի բնույթից և նպատակից: Ֆինանսական գործիքի կատեգորիան համապատասխանեցվում է այն սկզբունքին, որով չափվում է տվյալ գործիքը և այն հանգամանքին, թե արդյոք առաջացող եկամուտը և ծախսերը ճանաչվում են արդյունքում, թե ուղղակիորեն այլ համապարփակ ֆինանսական արդյունքում: Հիմնադրամի ֆինանսական ակտիվները, ըստ կատեգորիաների ներկայացված են ծանոթագրություն 14.2-ում:

i. Վարկեր և դեբիտորական պարտքեր

Վարկերն ու դեբիտորական պարտքերը ֆիքսված կամ որոշելի վճարումներով ոչ ածանցյալ ֆինանսական ակտիվներ են, որոնք չեն գնանշվում ակտիվ շուկայում և ներառում են առևտրային և այլ դեբիտորական պարտքերը, ինչպես նաև մնացորդները դրամարկղում և բանկերում:

Ֆիքսված ժամկետներով վարկերը սկզբնապես ճանաչվում են իրական արժեքով՝ գումարած գործարքից ծախսումները: Երբ վճարված գումարների իրական արժեքը տարբերվում է վարկի իրական արժեքից, օրինակ երբ վարկը ձեռք է բերվում շուկայականից ցածր տոկոսադրույքով, վճարված գումարի և վարկի իրական արժեքների տարբերությունը վարկի սկզբնական ճանաչման ժամանակ ձևակերպվում է որպես ծախս շուկայականից ցածր դրույքներով ակտիվների տեղաբաշխումից՝ շահույթի կամ վնասի և այլ համապարփակ ֆինանսական արդյունքների մասին հաշվետվությունում: Այնուհետև վարկերը չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Ֆիքսված մարման ժամկետ չունեցող վարկերը հաշվառվում են ամորտիզացված արժեքով՝ ելնելով մարման ենթադրվող ժամկետներից: Վարկերի ու փոխառվածությունների գումարները նվազեցվում են դրանց գծով արժեզրկումից պահուստների գումարներով:

Պահուստի մնացորդը ճշգրտվում է հաշվետու ժամանակաշրջանի արդյունքում՝ ծախսի կամ եկամտի ճանաչման միջոցով: Հաճախորդի վարկի մնացորդից դուրս գրվող ցանկացած գումար նվազեցվում է առկա կասկածելի վարկի պարտքի պահուստից:

ii. Մնացորդներ բանկերում

Հիմնադրամի դրամական միջոցները գտնվում են «Կոնվերս Բանկ» ՓԲԸ-ում, որը նաև հանդիսանում է թողարկված պարտատոմսերի վճարային գործակալը:

Ֆինանսական պարտավորությունների դասակարգումը և հետագա չափումը

Հիմնադրամի ֆինանսական պարտավորությունները ներառում են թողարկված պարտքային արժեթղթերը և այլ ընթացիկ պարտավորությունները: Հիմնադրամը ֆինանսական պարտավորությունները, ըստ կատեգորիաների, ներկայացված են ծանոթագրություն 14.2-ում:

i. Թողարկված պարտքային արժեթղթեր

Թողարկված պարտքային արժեթղթերը սկզբնապես ճանաչվում են իրական արժեքով՝ առանց գործարքային ծախսերի, այնուհետև չափվում են ամորտիզացված արժեքով:

ii. Այլ ընթացիկ պարտավորություններ

Այլ ընթացիկ պարտավորությունները ճանաչվում են իրական արժեքով, հետագայում չափվում են ամորտիզացված արժեքով:

3.3 Արժեզրկում

Ֆինանսական ակտիվների արժեզրկում

Յուրաքանչյուր հաշվետու ամսաթվի դրությամբ ֆինանսական ակտիվները, բացառությամբ այն ֆինանսական ակտիվների՝ չափվող իրական արժեքով՝ շահույթի կամ վնասի միջոցով, գնահատվում են արժեզրկման հայտանիշի առկայության համար: Ֆինանսական ակտիվներն արժեզրկված են, եթե առկա է անկողմնակալ վկայություն, որ ֆինանսական ակտիվների սկզբնական ճանաչումից հետո տեղի ունեցած մեկ կամ մի քանի իրադարձություններ ազդել են ակնկալվող դրամական միջոցների հոսքերի վրա:

Ամորտիզացված արժեքով հաշվառվող ֆինանսական ակտիվների գծով արժեզրկման կորուստը հաշվառվում է ակտիվի հաշվեկշռային արժեքի և սկզբնական արդյունավետ տոկոսադրույքով գեղչված դրամական միջոցների ակնկալվող ապագա հոսքերի ներկա արժեքի միջև տարբերությամբ: Բոլոր ֆինանսական ակտիվների համար արժեզրկումից կորուստն ուղղակիորեն նվազեցվում է ֆինանսական ակտիվի հաշվեկշռային արժեքից:

3.4 Շահութահարկ

Ընթացիկ շահութահարկը տարվա համար հարկվող շահույթից վճարվելիք հարկն է՝ հաշվետու ամսաթվին գործող կամ ըստ էության գործող հարկային դրույքաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված հարկը հաշվարկվում է ակտիվների ու պարտավորությունների հաշվեկշռային արժեքների և շահութահարկի հաշվարկման ժամանակ օգտագործվող համապատասխան հարկային բազաների միջև ժամանակավոր տարբերություններից: Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների համար: Հետաձգված հարկային ակտիվները պետք է ճանաչվեն բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող արդյունքի ստացում, որի դիմաց կարող է օգտագործվել նվազեցվող ժամանակավոր տարբերությունը:

3.5 Սեզմենտային հաշվետվություններ

Գործառնական սեզմենտը հանդիսանում է Հիմնադրամի բիզնես գործառնությունների բաղկացուցիչ մասը, որոնցից այն կարող է վաստակել եկամուտ և կատարել ծախսեր, ներառյալ Հիմնադրամի այլ որևէ բաղկացուցիչ մասի հետ կապված գործառնություններից եկամուտներն ու ծախսերը: Գործառնական սեզմենտները որոշելիս Հիմնադրամի ղեկավարությունը տարանջատում է Հիմնադրամի այն կոմպոնենտները, որոնք ներառված են ծառայությունների մատուցման մեջ (բիզնես սեզմենտ) և որի համար առկա է ֆինանսական տեղեկատվություն: Բոլոր գործառնական սեզմենտների գործառնական արդյունքները պարբերաբար վերանայվում են Հիմնադրամի Ղեկավարության կողմից՝ սեզմենտին միջոցներ հատկացնելու որոշում կայացնելու համար և գնահատելու դրա կատարումը: Այս ֆինանսական հաշվետվությունների շրջանակներում Հիմնադրամի աշխարհագրական սեզմենտները ներկայացված են հիմնվելով գործընկերների գտնվելու վայրի վրա՝ հիմնվելով ավելի շուտ տնտեսական ռիսկի, քան իրավաբանական ռիսկի վրա:

3.6 Եկամուտների և ծախսերի ճանաչում

Եկամուտը ճանաչվում է այն դեպքում, երբ հավանական է, որ տնտեսական օգուտները կհոսեն դեպի Հիմնադրամ և ստացված եկամուտը կարելի է արժանահավատորեն չափել: Ծախսը ճանաչվում է այն ժամանակ, երբ հավանական է, որ տնտեսական օգուտները կարտահոսեն Հիմնադրամից, և ծախսը կարելի է արժանահավատորեն չափել: Ստորև ներկայացվող չափանիշները նույնպես պետք է հաշվի առնվեն մինչև եկամուտի ճանաչումը:

Տոկոսային եկամուտներ և ծախսեր

Տոկոսային եկամուտներն ու ծախսերը բոլոր տոկոսակիր ֆինանսական գործիքների համար, բացառությամբ առևտրային նպատակներով պահվող կամ ֆինանսական արդյունքներով ճշգրտվող՝ իրական արժեքով հաշվառվող գործիքների, համապարփակ ֆինանսական արդյունքների մասին հաշվետվությունում ճանաչվում են որպես «տոկոսային եկամուտ» և «տոկոսային ծախս»՝ օգտագործելով արդյունավետ տոկոսադրույքի մեթոդը:

Եթե ֆինանսական ակտիվի կամ նմանատիպ ֆինանսական ակտիվների խմբի հաշվեկշռային արժեքը նվազում է արժեզրկումից կորուստների պատճառով, տոկոսային եկամուտը շարունակում է ճանաչվել կիրառելով սկզբնական արդյունավետ տոկոսադրույքը՝ նոր հաշվեկշռային արժեքի նկատմամբ:

4 Սեզմենտային հաշվետվություններ

ՄՖՀՄ 8-ի առումով Հիմնադրամի գործառնությունները տարանջատված չեն գործառնական սեզմենտների և հանդիսանում են մեկ ամբողջական միավոր: Հիմնադրամի գլխավոր գործառնական որոշումներ կայացնող մարմնի կողմից իրականացվում են որոշումներ միասնական արդյունքների հիման վրա, և բացակայում է որևէ գործառնական սեզմենտի առանձնացում ընդհանուր գործառնություններից: Հիմնադրամի ակտիվները հիմնականում տեղաբաշխված են Հայաստանի Հանրապետության տարածքում: Հիմնադրամի եկամուտները ստացվում են Հայաստանյան աղբյուրներից:

5 Հետաձգված հարկեր

Հետաձգված հարկերի շարժը ներկայացված է ստորև.

Հազար դրամ	2015թ. սեպտեմբերի 16-ից մինչև 2015թ. դեկտեմբերի 31-ին ավարտված ժամանակաշրջան
Ժամանակաշրջանի սկզբի մնացորդ	-
Ժամանակաշրջանի արդյունքում ճանաչված փոխհատուցում	5,162
Տարեվերջի մնացորդ	5,162

2015թ. սեպտեմբերի 16-ից մինչև 2015թ. դեկտեմբերի 31-ին ավարտված ժամանակաշրջանի հետաձգված հարկերը խմբավորված են հետևյալ կերպ.

Հազար դրամ	2015թ. սեպտեմբերի 16-ի դրությամբ	Այլ համապարփակ ֆինանսական արդյունքներում ճանաչված	Տարվա արդյունքում ճանաչված	2015թ. դեկտեմբերի 31-ի դրությամբ
<i>Հետաձգված հարկային ակտիվներ</i>				
Վարկեր	-	-	2,102	2,102
Զօգտագործված հարկային վնաս	-	-	3,060	3,060
	-	-	5,162	5,162
Զուտ արդյունք - հետաձգված հարկային ակտիվներ	-	-	5,162	5,162

Հետաձգված հարկային ակտիվները ենթակա են փոխհատուցման մեկից ավելի տարվա ընթացքում:

6 Վարկեր

Հազար դրամ	2015թ. դեկտեմբերի 31-ի դրությամբ
Վարկեր ընդամենը <i>այդ թվում.</i>	1,052,023
Ոչ ընթացիկ վարկեր	547,768
Ոչ ընթացիկ վարկերի պահուստ	(5,478)
Ընդամենը ոչ ընթացիկ վարկեր	542,290
Ընթացիկ վարկեր	514,837
Ընթացիկ վարկերի պահուստ	(5,104)
Ընդամենը ընթացիկ վարկեր	509,733
Ընդամենը թողարկված պարտքային ածեթթեր	1,052,023

Հազար դրամ	2015թ. դեկտեմբերի 31-ի դրությամբ
Ֆիզիկական անձիք	672,092
Անհատ ձեռնարկատերեր	315,694
Մասնավոր ձեռնարկություններ	74,819
	1,062,605
Արժեզրկումից պահուստներ վարկերի գծով	(10,582)
Ընդամենը վարկեր	1,052,023

Վարկերի գծով արժեզրկման պահուստի շարժն հետևյալն է.

Հազար դրամ	Ընդամենը
16 սեպտեմբերի 2015	-
Տարվա ծախս	10,582
31 դեկտեմբեր 2015	10,582

2015թ. դեկտեմբերի 31-ի դրությամբ ժամկետանց վարկերի գումարը կազմել է ընդամենը 934 հազար դրամ և վերաբերվում է ֆիզիկական անձանց տրամադրված վարկերին:

2015թ. դեկտեմբերի 31-ի դրությամբ վարկերի միջին արդյունավետ տոկոսադրույքը կազմում է ՀՀ դրամով վարկերի համար 22.29% և ԱՄՆ դոլարով վարկերի համար 18.17%:

Վարկերի արժեզրկման գնահատման համար կիրառված հիմնական ենթադրություններ և դատողություններ

Հիմնադրամը չունի անհատական հիմունքով էական հանդիսացող վարկեր, այդ իսկ պատճառով ղեկավարությունը վարկերի արժեզրկումը որոշում է արժեզրկման հավաքական հիմունքով գնահատման հիման վրա:

Այս գնահատումների փոփոխությունն ազդեցություն կունենա վարկերի արժեզրկման գծով պահուստի վրա:

Վարկային պորտֆելի ծագումը

2015թ. դեկտեմբերին Հիմնադրամը գնեց վարկեր հինգ վարկային կազմակերպություններից («Նախաձեռնող»), որոնք ծառայում են Հիմնադրամի կողմից թողարկված պարտատոմսերի պարտավորությունների մարման գործիքի աղբյուր:

Ձեռքբերված վարկերի բաշխումը գնման պահին ըստ Նախաձեռնողների հետևյալն է.

Նախաձեռնողներ	հազար դրամ	
	Դրամային պորտֆել	Դոլարային պորտֆել
Կամուրջ ՈՒՎԿ	198,242	189,960
ՔԱՐԴ Ազրո-Կրեդիտ ՈՒՎԿ	164,149	-
Գառնի-Ինվեստ ՈՒՎԿ	35,247	-
Գլոբալ Կրեդիտ ՈՒՎԿ	67,592	132,082
Նոր-Հորիզոն ՈՒՎԿ	30,647	287,579
Ընդամենը	495,877	609,621

Վարկերը ձեռք են բերվել հաշվեկշռային արժեքով և այնուհետև զեղջվել արդյունավետ տոկոսադրույքի չափով: Վարկերի սկզբնական չափումից վնասը կազմել է 8,263 հազար դրամ:

Վարկային պորտֆելի ըստ տնտեսության ճյուղերի վերլուծություն

Վարկերի վերլուծությունն ըստ հաճախորդների ունի հետևյալ տեսքը.

Հազար դրամ	2015թ. դեկտեմբերի 31-ի դրությամբ
Գյուղատնտեսություն	456,700
Առևտուր	231,329
Սպառողական	224,105
Արդյունաբերություն	75,738
Այլ	74,733
	1,062,605
Արժեզրկումից պահուստներ վարկերի գծով	(10,582)
Ընդամենը վարկեր	1,052,023

Ինչպես նշված է 16 ծանոթագրությունում, 2015թ. դեկտեմբերի 31-ի դրությամբ վարկերի գնահատված իրական արժեքը մոտ է դրանց հաշվեկշռային արժեքին:

Վարկային պորտֆելին ներհատուկ այլ ռիսկերը բացահայտված են 15 ծանոթագրությունում: Տեղեկատվությունը կապակցված անձանց վերաբերյալ բացահայտված է 18 ծանոթագրությունում:

7 Դեբիտորական պարտքեր ֆինանսական կազմակերպություններից

Դեբիտորական պարտքերը ֆինանսական կազմակերպություններից ներառում են հիմնականում Հիմնադրամին վաճառված վարկերից մարումների գծով մուտքերը: Քանի որ Նախաձեռնողները հանդիսանում են նաև վաճառված վարկերի սպասարկողները՝ վարկերի մարումներից մուտքերը հավաքագրվում են Նախաձեռնողների միջոցով և պայմանագրային հիմունքներով պարբերաբար փոխանցվում են Հիմնադրամին:

Բոլոր գումարները կարճաժամկետ են: Դեբիտորական պարտքերի գուտ հաշվեկշռային արժեքը համարվում է իրական արժեքի խելամիտ գնահատում:

8 Զուտ ակտիվներ

8.1 Մասնակցության վկայագրեր

Հիմնադրամի կողմից վարկային պորտֆելի արժեթղթավորման համար վարկային գրավչություն ապահովելու անհրաժեշտությունից, Հիմնադրամը թողարկեց ոչ փաստաթղթային, անվանական, ոչ բաժնային և ձայնի իրավունք չտվող հինգ դասի դրամային մասնակցության վկայագրեր, յուրաքանչյուրը մեկ ՀՀ դրամ անվանական արժեքով և երեք դասի դոլարային մասնակցության վկայագրեր, յուրաքանչյուրը մեկ ԱՄՆ դոլար անվանական արժեքով:

Մասնակցության վկայագրերի մարումն իրականացվելու է Հիմնադրամի լուծարումից առաջ, և այն դեպքում, երբ ամբողջովին կմարվեն Հիմնադրամի կողմից թողարկված պարտատոմսերը:

Բոլոր մասնակցության վկայագրերը ձեռք են բերվել Նախաձեռնողների կողմից, և բաշխվել են հետևյալ կերպ:

Նախաձեռնող	Տեղաբաշխման գին (դրամային) հազար դրամ	Տեղաբաշխման գին (դոլարային) հազար դրամ	Ընդամենը տեղաբաշխված հազար դրամ
Կամուրջ ՈՒՎԿ	22,053	-	22,053
ՔԱՐԴ Ազրո-Կրեդիտ ՈՒՎԿ	18,258	21,302	39,560
Գլոբալ Կրեդիտ ՈՒՎԿ	7,519	14,525	22,044
Գառնի-Ինվեստ ՈՒՎԿ	3,921	-	3,921
Նոր-Չորիզոն ՈՒՎԿ	3,420	31,953	35,373
ԸՆԴԱՄԵՆՆՂ	55,171	67,780	122,951

9 Թողարկված պարտքային արժեթղթեր

Հազար դրամ

	2015թ. դեկտեմբերի 31-ի դրությամբ
Ընթացիկ պարտատոմսեր	573,785
Ոչ ընթացիկ պարտատոմսեր	426,066
ԸՆԴԱՄԵՆՆՂ թողարկված պարտքային արժեթղթեր	999,851

2015թ. դեկտեմբերի 14-ին Հիմնադրամը թողարկել է ֆիքսված տոկոսադրույքով արժեկտրոնային պարտատոմսեր 44,626 հատ 10,000 դրամ անվանական արժեքով 446,260 հազար դրամ գումարի չափով և 11,328 հատ 100 ԱՄՆ դոլար անվանական արժեքով 1,132.8 հազար ԱՄՆ դոլար գումարի չափով պարտատոմս, որոնք ցուցակված են ՆԱՍԴԱԶ ՕԷՍԷՔՍ Արմենիա-ում:

2015թ-ի դեկտեմբերի 31-ի դրությամբ Հիմնադրամի կողմից թողարկված պարտքային արժեթղթերի գծով տարեկան արդյունավետ տոկոսադրույքը կազմում է 15% ՀՀ դրամի համար և 8.5% ԱՄՆ դոլարի համար:

Պարտատոմսերը թողարկվել են 3 տարի ժամկետով՝ մինչև 2018թ. դեկտեմբերի 14-ը:

Պարտատոմսերի մարման ապահովություն են հանդիսանում վարկերը, որոնց մայր գումարի մնացորդը կազմել է 495,877 հազար դրամ և 1,259 հազար ԱՄՆ դոլար համապատասխանաբար (Տե՛ս ծանոթագրություններ 6):

Պարտատոմսերը երաշխավորված են ԱՄՆ Սիջազգային Զարգացման Գործակալության կողմից:

Հաշվետու ժամականաշրջանում Հիմնադրամը հետ չի գնել իր կողմից թողարկված որևէ արժեթուղթ:

Հաշվետու ժամականաշրջանում Հիմնադրամը չի ունեցել մայր գումարի, տոկոսների չվճարումներ կամ այլ խախտումներ:

Հիմնադրամի տոկոսային և արտարժույթային ռիսկերի մասին ավելի մանրամասն տեղեկատվություն ներկայացված է ծանոթագրություն 15-ում:

10 Այլ ընթացիկ պարտավորություններ

Կրեդիտորական պարտքը ներառում է Նախաձեռնողների կողմից վաճառված վարկերի գնի չվճարված մասը, որը հանդիսանում է որպես երաշխիք և կարճաժամկետ պարտավորություն է:

11 Այլ ծախսեր

Հազար դրամ	2015թ. սեպտեմբերի 16-ից մինչև 2015թ. դեկտեմբերի 31-ին ավարտված ժամանակաշրջան
Տեղաբաշխման ծախսեր	5,284
Խորհրդատվական ծախսեր	3,600
Երաշխավորության ծախսեր	3,378
Ընդամենը այլ ծախսեր	12,262

12 Շահութահարկի գծով փոխհատուցում

Հազար դրամ	2015թ. սեպտեմբերի 16-ից մինչև 2015թ. դեկտեմբերի 31-ին ավարտված ժամանակաշրջան
Հետաձգված հարկ (տե՛ս ծանոթագրություն 5)	(5,162)
	(5,162)

Արդյունավետ հարկային դրույքաչափի համադրումը ներկայացված է ստորև.

Հազար դրամ	2015թ. սեպտեմբերի 16-ից մինչև 2015թ. դեկտեմբերի 31-ին ավարտված ժամանակաշրջան	Արդյունավետ հարկային դրույքաչափ (%)
Արդյունք մինչև հարկումը (համաձայն ՖՀՄՍ)	(25,750)	
Շահութահարկ՝ 20% դրույքաչափով	(5,150)	20
Դրական փոխարժեքային տարբերություն	(12)	-
Շահութահարկի գծով փոխհատուցում	(5,162)	20

13 Կարևոր հաշվապահական գնահատումներ և դատողություններ

Ենթադրությունները և դատողությունները շարունակաբար գնահատվում են և հիմնված են պատմական փորձի, ինչպես նաև այլ ցուցանիշների վրա, ներառյալ ապագա ակնկալվող իրադարձությունները, որոնք տվյալ հանգամանքներում համարվում են ընդունելի:

13.1 Կարևոր հաշվապահական գնահատումներ

Հիմնադրամը իրականացնում է ապագային վերաբերող գնահատումներ և ենթադրություններ: Այդ հաշվապահական գնահատականները կարող են չհամապատասխանել իրական արդյունքներին: Ստորև ներկայացված են այն

գնահատումներն ու ենթադրությունները, որոնց գծով առկա է ռիսկ, որ հաջորդ ֆինանսական տարում ակտիվների և պարտավորությունների հաշվեկշռային արժեքները կենթարկվեն էական ճշգրտումների:

Իրական արժեքի չափումը

Ֆինանսական գործիքների (երբ ակտիվ շուկայի գնանշումներ չկան) և ոչ ֆինանսական ակտիվների իրական արժեքը սահմանելու համար ղեկավարությունն օգտագործում է գնահատման տեխնիկան: Սա ներառում է զարգացող գնահատումները և ենթադրությունները համապատասխան նրան, թե շուկայի մասնակիցները ինչպես կգնահատեն գործիքները: Ղեկավարությունն իր ենթադրություններում որքան հնարավոր է հիմնվում է դիտարկվող տվյալների վրա, սակայն դրանք միշտ չէ, որ հասանելի են: Այդ դեպքում, ղեկավարությունն օգտագործում է իր ունեցած ամենալավ տեղեկատվությունը: Գնահատված իրական արժեքը կարող է տարբերվել փաստացի արժեքից, որը հաշվետու ժամանակաշրջանի դրությամբ կարող է հասանելի լինել անհատական գործարքների դեպքում (տես՝ ծանոթագրություն 16):

Կապակցված կողմերի հետ գործառնություններ

Հիմնադրամը իր գործունեության ընթացքում իրականացնում է գործառնություններ կապակցված կողմերի հետ: Նշված գործառնությունները հիմնականում իրականացվում են շուկայական պայմաններով: Գործող շուկայի բացակայության դեպքում Հիմնադրամը կատարում է դատողություններ գործառնությունների շուկայական կամ ոչ շուկայական բնույթի վերաբերյալ: Դատողությունները հիմնվում են այլ հաճախորդների հետ մանատիպ գործառնությունների, ինչպես նաև արդյունավետ դրույքների վերլուծությունների վրա (Տես ծանոթագրություն 18):

Վարկերի արժեզրկում

Հիմնադրամը գնահատում է խնդրահարույց վարկերը յուրաքանչյուր հաշվետու ամսաթվի համար՝ պարզելու համար, թե արդյոք առկա են արժեզրկման օբյեկտիվ հայտանիշներ: Մասնավորապես, ղեկավարության դատողությունն անհրաժեշտ է ապագա դրամական հոսքերի գումարը և պարբերականությունը գնահատելու համար, երբ անհրաժեշտ է պահանջվող պահուստի չափը որոշել: Նման գնահատումները հիմնված են որոշ գործոնների շուրջ ենթադրությունների վրա և ներկա արդյունքները կարող են տարբեր լինել՝ հանգեցնելով պահուստում հետագա փոփոխությունների:

Նշանակալի վարկերի համար անհատական ստեղծված հատուկ պահուստներից բացի, Հիմնադրամը նաև ստեղծում է արժեզրկման խմբային պահուստներ, այն ռիսկերի գծով, որոնք չնայած որ անհատապես չեն գնահատվել, սակայն պարունակում են չվճարման ավելի մեծ ռիսկ, քան սկզբնապես որոշվել էր: Սա հաշվի է առնում այնպիսի գործոնների ազդեցությունը, ինչպիսիք են վատթարացումը երկրի ռիսկում, արդյունաբերության մեջ և տեխնոլոգիական հնացումը, ինչպես նաև բացահայտված կառուցվածքային թերությունները կամ դրամական հոսքերի նվազումները:

Չուտ ակտիվներ

Հիմնադրամի ղեկավարությանը, հաշվի առնելով, որ Հիմնադրամի կողմից թողարկված մասնակցության վկայագրերը իրավունք են տալիս գուտ ակտիվների համամասնական բաժնի նկատմամբ Հիմնադրամի լուծարման դեպքում և այն ստորադասված է մնացած բոլոր պարտավորություններից, որոշել է այս գործիքը դասակարգել որպես գուտ ակտիվների գործիք:

Հարկային օրենսդրություն

ՀՀ հարկային օրենսդրությունը ենթակա է տարակարծիք մեկնաբանությունների: Տես 17.3 ծանոթագրությունը:

14 Ֆինանսական գործիքներ

14.1 Հաշվապահական հաշվառման քաղաքականություններ

Ֆինանսական ակտիվի, ֆինանսական պարտավորության և բաժնային գործիքի յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են ծանոթագրություն 3-ում:

14.2 Ֆինանսական գործիքների կատեգորիաները

Ֆինանսական վիճակի մասին հաշվետվությունում ներկայացված մնացորդները վերաբերում են ակտիվների և պարտավորությունների հետևյալ կատեգորիաներին.

Ֆինանսական ակտիվներ

Հազար դրամ	2015թ. դեկտեմբերի 31-ի դրությամբ
Վարկեր	1,052,023
Դեբիտորական պարտքեր ֆինանսական կազմակերպություններից	31,363
Մնացորդներ բանկերում	140,230
	1,223,616

Ֆինանսական պարտավորություններ

Հազար դրամ	2015թ. դեկտեմբերի 31-ի դրությամբ
Թողարկված պարտքային արժեթղթեր	999,851
Այլ ընթացիկ պարտավորություններ	126,564
	1,126,415

15 Ֆինանսական ռիսկի կառավարման ուղղություններ

Ֆինանսական գործիքների հետ կապված՝ Հիմնադրամը ենթարկվում է զանազան ռիսկերի: Այս ռիսկերն են շուկայական ռիսկը, պարտքային ռիսկը և իրացվելիության ռիսկը:

Հիմնադրամը չի ներգրավված սպեկուլյատիվ նպատակներով ֆինանսական ակտիվների ակտիվ առքուվաճառքի գործարքներում, ինչպես նաև չի թողարկում օպցիոններ: Առավել էական ֆինանսական ռիսկերը, որոնց Հիմնադրամը կարող է ենթարկվել, նկարագրված են ստորև:

Ֆինանսական ռիսկի գործոններ

ա) Շուկայական ռիսկ

Ֆինանսական գործիքների օգտագործման ընթացքում Հիմնադրամը ենթարկվում է շուկայական ռիսկի, հատկապես՝ արտարժույթային ռիսկի, տոկոսադրույքային ռիսկի և

որոշակի այլ գնային ռիսկերի, որոնք բխում են ինչպես գործառնական, այնպես էլ ներդրումային գործունեությունից:

Արտարժույթային ռիսկ

Հիմնադրամը գործարքներ է իրականացնում արտարժույթով և, հետևաբար, ենթարկվում է արտարժույթի փոխարժեքային տատանումների ազդեցությանը:

Արտարժույթի փոխարժեքային տատանումներից կախվածությունն առաջանում է Հիմնադրամի ԱՄՆ դոլարով արտահայտված վարկերից և թողարկված պարտքային արժեթղթերից:

Արտարժույթով արտահայտված ֆինանսական ակտիվներն ու պարտավորությունները, որոնք Հիմնադրամը ենթարկում է արտարժույթային ռիսկի, նկարագրված են ստորև: Արտացուցված գումարները իրենցից ներկայացնում են հիմնական ղեկավար անձնակազմին տրամադրված տվյալները, որոնք արտահայտված են հազար դրամով՝ հաշվետու ժամանակաշրջանի վերջի ամսաթվի փոխարժեքով.

Հոդված 2015թ. դեկտեմբերի 31-ի դրությամբ	ԱՄՆ դոլար
<i>Ֆինանսական ակտիվներ</i>	
Վարկեր	581,023
Դեբիտորական պարտքեր ֆինանսական կազմակերպություններից	4,445
Սնացորդներ բանկերում	64,367
	<u>649,835</u>
<i>Ֆինանսական պարտավորություններ</i>	
Թողարկված պարտքային արժեթղթեր	(550,289)
Այլ ընթացիկ պարտավորություններ	(65,438)
	<u>(615,727)</u>
Զուտ արդյունք	<u><u>34,108</u></u>

Ստորև բերված աղյուսակում ներկայացված է Հիմնադրամի զգայունությունը՝ ԱՄՆ դոլարի նկատմամբ դրամի 10% աճին: 10%-ը ղեկավարության կողմից գնահատված փոխարժեքի հավանական փոփոխությունն է: Զգայունության վերլուծությունը ներառում է միայն արտարժույթով արտահայտված դրամային հոդվածների մնացորդները և ժամանակաշրջանի վերջում ճշգրտում է դրանց փոխարկումը՝ փոփոխելով փոխարժեքը 10%-ով:

Դրամի արժևորումը ԱՄՆ դոլարի նկատմամբ 10%-ով կունենա հետևյալ ազդեցությունը:

	<u>ԱՄՆ դոլարի ազդեցություն</u>
	2015թ. սեպտեմբերի 16-ից մինչև 2015թ. դեկտեմբերի 31-ին ավարտված ժամանակաշրջան
Արդյունք	<u>3,410</u>
	<u><u>3,410</u></u>

Վերը ներկայացված վերլուծությունը կարելի է համարել Հիմնադրամի՝ արտարժույթային ռիսկին ենթարկվածության արտացոլումը:

Տոկոսադրույքային ռիսկ

Տոկոսադրույքի ռիսկը ծագում է այն հավանականությունից, որ տոկոսադրույքների փոփոխություններն ուղղակիորեն կազդեն Հիմնադրամի ֆինանսական գործիքների հետ կապված դրամական միջոցների հոսքի և նրանց իրական արժեքի վրա: 2015թ. դեկտեմբերի 31-ի դրությամբ Հիմնադրամը չի ունեցել փոփոխական տոկոսադրույքով ֆինանսական ակտիվներ և պարտավորություններ:

բ) Պարտքային ռիսկ

Պարտքային ռիսկն առաջանում է այն դեպքում, երբ պայմանագրային գործընկերը չի կատարում իր պարտավորությունները, որի հետևանքով Հիմնադրամը կարող է ֆինանսական կորուստներ կրել: Այս ռիսկի ազդեցությունը Հիմնադրամի համար առաջանում է տարբեր ֆինանսական գործիքներից, ինչպիսիք են վարկերը, դեբիտորական պարտքերը: Պարտքային ռիսկի առավելագույն ազդեցությունը ներկայացված է հետևյալ ֆինանսական ակտիվների հաշվեկշռային արժեքներով՝

Հազար դրամ	2015թ. դեկտեմբերի 31-ի դրությամբ
Ֆինանսական ակտիվներ՝ հաշվեկշռային արժեքներ	
Վարկեր	1,052,023
Դեբիտորական պարտքեր ֆինանսական կազմակերպություններից	31,363
Մնացորդներ բանկերում	140,230
	1,223,616

Տնտեսության ճյուղեր

Հետևյալ աղյուսակը ցույց է տալիս 2015թ. դեկտեմբերի 31-ի դրությամբ Հիմնադրամի՝ պարտքային ռիսկերի կենտրոնացումները հաշվեկշռային արժեքներով՝ դասակարգված ըստ տնտեսության ճյուղերի.

Հազար դրամ	Ֆինանսական հատված	Գյուղատնտեսություն	Առևտուր	Սպառողական	Արդյունաբերություն	Այլ	Ընդամենը
ԱԿՏԻՎՆԵՐ							
Վարկեր	-	452,133	229,056	221,864	74,981	73,989	1,052,023
Դեբիտորական պարտքեր ֆինանսական կազմակերպություններից	31,363	-	-	-	-	-	31,363
Մնացորդներ բանկերում	140,230	-	-	-	-	-	140,230
2015թ. դեկտեմբերի 31-ի դրությամբ	171,593	452,133	229,056	221,864	74,981	73,989	1,223,616

Հաշվետու ամսաթվի դրությամբ վարկերի և դեբիտորական պարտքերի գծով նշանակալի պարտքային ռիսկի կենտրոնացում առկա չէ: 2015թ. դեկտեմբերի 31-ի դրությամբ Հիմնադրամը վարկերի գծով ստեղծել է խմբային պահուստ՝ 10,582 հազար դրամի չափով:

Գրավ

Հիմնադրամը կիրառում է բազմաթիվ միջոցներ վարկային ռիսկը զսպելու համար: Համընդհանուր գործելակերպ է հանդիսանում և հիմնական միջոցներից մեկն է համարվում տրամադրված դրամական միջոցների դիմաց գրավ վերցնելը: Ձեռքբերված վարկերի համար գրավի հիմնական տեսակներն են.

- Անշարժ գույքը,
- Սարքավորումներ և փոխադրամիջոցներ,
- Երաշխավորություններ:

Վարկային պորտֆելի (համախառն) վերլուծությունն ըստ ապահովվածության.

Հազար դրամ	2015թ. դեկտեմբերի 31-ի դրությամբ
Ապահովվածություն չունեցող (երաշխավորություն)	608,951
Անշարժ գույք	260,561
Փոխադրամիջոցներ	116,954
Այլ գրավ	76,139
Ընդամենը վարկեր (համախառն)	1,062,605

Վերը նշված աղյուսակում ներկայացված արժեքները վարկերի հաշվեկշռային արժեքներն են, և պարտադիր չէ ներկայացնեն գրավների իրական արժեքը: Գրավների շուկայական արժեքների գնահատումները հիմնված են գրավի գնահատման վրա ըստ տրամադրված վարկերի ամսաթվի: Հիմնականում դրանք չեն թարմացվում մինչև վարկերը չգնահատվեն, որպես անհատապես արժեզրկված:

գ) Իրացվելիության ռիսկ

Իրացվելիության ռիսկը այն ռիսկն է, որ Հիմնադրամը ի վիճակի չի լինի մարել իր պարտավորվածությունները:

Հիմնադրամը վարում է իրացվելիության կառավարման քաղաքականություն՝ բանկային հաշիվներում պահելով բավարար միջոցներ, ինչպես նաև պահելով բարձր իրացվելիություն ունեցող ակտիվներ՝ գործառնական պարտավորությունները ժամանակին մարելու նպատակով:

Հետևյալ աղյուսակում ներկայացված է Հիմնադրամը ոչ ածանցյալ ֆինանսական պարտավորությունների գծով պայմանագրային մնացյալ մարման ժամկետները: Աղյուսակը պատրաստված է ֆինանսական պարտավորությունների չզեղչված դրամական միջոցների հոսքերի հիման վրա՝ հաշվի առնելով ամենավաղ ամսաթիվը, երբ Հիմնադրամը ստիպված կլինի մարել այդ պարտավորությունները: Աղյուսակը ներառում է տոկոսների և մայր գումարի գծով դրամական միջոցների հոսքերը:

2015թ. դեկտեմբերի 31	Թողարկված դրամային պարտատոմսեր	Թողարկված դոլարային պարտատոմսեր	Այլ պարտավո- րություններ (անտոկոս)	Ընդամենը
Միջին կշռված արդյունավետ տոկոսադրույք (%)	15%	8.5%	-	
Մինչև 6 ամիս	146,616	161,295	126,564	434,475
6 ամսից մինչև 1 տարի	188,477	162,656	-	351,133
1-5 տարի	177,839	276,685	-	454,524
	512,932	600,636	126,564	1,240,132

Հիմնադրամը իրացվելիության ռիսկի գնահատման և կառավարման ժամանակ հաշվի է առնում ֆինանսական ակտիվներից ակնկալվող դրամային հոսքերը, մասնավորապես՝ դրամական միջոցները և առևտրային դեբիտորական պարտքերը: Հիմնադրամի դրամական միջոցները և վարկերը գերազանցում են անհրաժեշտ դրամական արտահոսքերը: Վարկերից դրամական հոսքերը պայմանագրով ենթակա են ստացման 3 տարվա ընթացքում:

16 Իրական արժեքի չափում

Հիմնադրամը սկզբնական ճանաչումից հետո իրական արժեքով չափվող ակտիվները և պարտավորությունները դասակարգում է 1-ից մինչև 3-րդ մակարդակներում՝ հիմնվելով իրական արժեքի դիտարկելիության աստիճանի վրա: Այս երեք մակարդակները ներկայացված են ստորև.

- 1-ին մակարդակ՝ իրական արժեքները ստացվում են մնանատիպ ակտիվների կամ պարտավորությունների ակտիվ շուկաներում գնանշվող գներից (չճշգրտված),
- 2-րդ մակարդակ՝ իրական արժեքները ստացվում են 1-ին մակարդակում ներառված գնանշվող գներից տարբեր այլ ելակետային տվյալներից, որոնք ակտիվի կամ պարտավորության գծով դիտարկվում են կամ ուղղակիորեն (այսինքն՝ որպես գներ), կամ անուղղակիորեն (այսինքն՝ գների հիման վրա ստացվող),
- 3-րդ մակարդակ՝ իրական արժեքները ստացվում են գնահատման հնարքների միջոցով, որոնք ներառում են ակտիվի կամ պարտավորության գծով ելակետային տվյալներ, որոնք հիմնված չեն դիտարկվող շուկայական տվյալների վրա (ոչ դիտարկելի ելակետային տվյալներ):

16.1 Ֆինանսական գործիքների իրական արժեքի չափում

Հետևյալ աղյուսակում ցույց են տրված նշված մակարդակները՝ պարբերական սկզբունքով իրական արժեքով չափվող ֆինանսական ակտիվների և ֆինանսական պարտավորությունների հիերարխիայում՝ 2015թ. դեկտեմբերի 31-ի դրությամբ:

Հազար դրամ	2015թ. դեկտեմբերի 31-ի դրությամբ				
	Մակարդակ 1	Մակարդակ 2	Մակարդակ 3	Ընդամենը իրական արժեք	Ընդամենը հաշվեկշռային արժեք
ՖԻՆԱՆՍԱՎԱՆ ԱՎՏԻՎՆԵՐ					
Վարկեր	-	1,052,023	-	1,052,023	1,052,023
Դեբիտորական պարտքեր ֆինանսական կազմակերպություններից	-	31,363	-	31,363	31,363
Մնացորդներ բանկերում	-	140,230	-	140,230	140,230
ՖԻՆԱՆՍԱՎԱՆ ՊԱՐՏԱՎՈՐՈՒԹՅՈՒՆՆԵՐ					
Թողարկված պարտքային արժեթղթեր	-	999,851	-	999,851	999,851
Այլ ընթացիկ պարտավորություններ	-	126,564	-	126,564	126,564

17 Պայմանականություններ

17.1 Գործարար միջավայր

Հայաստանում իրականացվող քաղաքական և տնտեսական փոփոխությունները շարունակական բնույթ են կրում: Որպես զարգացող շուկա՝ Հայաստանում բացակայում են կատարյալ գործարար միջավայր և համապատասխան ենթակառուցվածքներ, որոնք սովորաբար գոյություն ունեն ազատ շուկայական տնտեսություն ունեցող երկրներում: Բացի դրանից, տնտեսական պայմանները շարունակում են սահմանափակել գործառնությունների ծավալները ֆինանսական շուկաներում, և ֆինանսական գործիքների իրական արժեքները կարող են չհամապատասխանել իրականացված գործարքներին: Հետագա տնտեսական զարգացման հիմնական խոչընդոտը տնտեսական և ինստիտուցիոնալ զարգացման ցածր մակարդակն է՝ զուգակցված տարածաշրջանային անկայունությամբ և կենտրոնացված տնտեսական հենքով, ինչպես նաև միջազգային տնտեսական ճգնաժամը:

Հայաստանի Հանրապետության հետ համագործակցող երկրների տնտեսությունների վիճակի վատթարացումը հանգեցրել է արտերկրից դրամային փոխանցումների կրճատմանը, ինչից Հայաստանի տնտեսությունը գտնվում է մեծ կախման մեջ: Հանքահումքային ապրանքների միջազգային գների հետագա անկումը, անորոշությունները՝ պայմանավորված ուղղակի կապիտալ ներդրումների ներգրավման հնարավորություններով, գնաճը, կարող են հանգեցնել Հայաստանի տնտեսության, ինչպես նաև Հիմնադրամի վիճակի վատթարացման: Այնուամենայնիվ, քանի դեռ այս անորոշություններում առկա դատողություններն ու ենթադրությունները շատ են, ղեկավարությունը չի կարող վստահաբար հաշվարկել, թե ինչ չափով դրանք կարող են ազդեցություն ունենալ Հիմնադրամը ակտիվների և պարտավորությունների մնացորդային արժեքի վրա:

Հիմնադրամը ղեկավարությունը գտնում է, որ ընթացիկ պայմաններում իրականացվում են համապատասխան միջոցառումներ Հիմնադրամի տնտեսական կայունությունն ապահովելու նպատակով:

17.2 Ապահովագրություն

Հայաստանում ապահովագրական համակարգը զարգացման փուլում է և ապահովագրության շատ տեսակներ, որոնք լայնորեն տարածված են մյուս երկրներում, Հայաստանում դեռ չեն կիրառվում: Հիմնադրամը չունի ամբողջական ապահովագրական ծածկույթ իր ակտիվների և գործունեության ընդհատման համար, չունի նաև Հիմնադրամի գույքի կամ գործառնությունների հետ կապված պատահարների հետևանքով գույքին կամ շրջակա միջավայրին հասցված վնասի գծով երրորդ կողմի նկատմամբ պարտավորությունների ապահովագրություն: Քանի դեռ Հիմնադրամը համապատասխան ձևով ապահովագրված չէ, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ նյութական ազդեցություն ունենալ Հիմնադրամի գործունեության և ֆինանսական վիճակի վրա:

17.3 Հարկեր

Հայաստանի Հանրապետության հարկային համակարգը համեմատաբար նոր է՝ հաճախակի փոփոխվող օրենսդրությամբ, որը հաճախ մեկնաբանություններ է պահանջում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են տուգանքներ և տույժեր առաջադրել:

Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում: Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները կարող են տարբերվել, և դրանց ազդեցությունը կարող է զգալի լինել:

18 Կապակցված կողմեր

Հիմնադրամի կապակցված կողմերը ներառում են Հիմնադրին և Հիմնադրի կողմից ընդհանուր վերահսկողության տակ գտնվող ընկերությունները, ինչպես նկարագրված է ստորև:

18.1 Վերահսկողություն

Հիմնադրամը վերահսկվում է «Կապիտալ Ինվեսթմենթս» ՓԲԸ-ի կողմից, որը հանդիսանում է Հիմնադրամի Կառավարիչը և միակ հիմնադիրը: Հիմնադրամի վերահսկող մարմինն է հանդիսանում Հիմնադրամի Կառավարիչը և Հիմնադրամի տնօրենների խորհուրդը: Հիմնադրամի տնօրենների խորհուրդը հիմնականում բաղկացած է Նախաձեռնողների ղեկավարներից:

18.2 Գործարքներ կապակցված կողմերի հետ

Հաշվետու տարվա ընթացքում Հիմնադրամի և իր կապակցված կողմերի միջև իրականացվել են հետևյալ գործարքները, և հաշվետու ամսաթվի դրությամբ մնացորդները հետևյալն են:

Հազար ՀՀ դրամ

2015թ. սեպտեմբերի 16-ից մինչև 2015թ.
 դեկտեմբերի 31-ին ավարտված ժամանակաշրջան

	Հիմնադրի կողմից ընդհանուր վերահսկողության տակ զտնվող ընկերություններ	
	Հիմնադիր	

Ֆինանսական վիճակի մասին հաշվետվություն

Թողարկված պարտքային արժեթղթեր

Մնացորդը սեպտեմբերի 16-ի դրությամբ	-	-
Տարվա ընթացքում աճ	62,133	443,516
Մնացորդը դեկտեմբերի 31-ի դրությամբ	62,133	443,516

Շահույթի կամ վնասի և այլ համապարփակ ֆինանսական արդյունքների մասին հաշվետվություն

Տոկոսային ծախսեր թողարկված պարտատոմսերի գծով	(105)	(981)
Մատուցված ծառայություններ	(5,284)	(3,600)

